

汝陽縣志卷之九下

趙好德字秉彝汝陽人幼警敏能文章有經濟大


志元季汝穎兵起郡縣多陷沒好德謂其妻曰

今元運將終豪杰並起我觀東南有天子氣將

往從之遂灑泣以別自和陽渡江謁太祖於金

陵語合以儒士授峽州同知尋遷安慶知府傷

兵治其屹然江淮保障歷六年陞戶部侍郎明



RWT1/1325/07

年進吏部尚書嘗召與四輔官何顯周等至內
殿坐論治道上悅各賜錦衣一襲命工圖其像
梁銘汝陽人洪武末以父廕改補燕山前衛百
戶革除間北平被圍銘拒戰甚力以功歷陞後
軍都督僉事昭皇監國於南京坐事下獄已而
宥之命往廣東備倭昭皇卽位陞都督同知鎮
守寧夏封保定伯宣德元年從安遠侯柳升征
交趾卒於道子璠襲父爵

逸德山少負大志國初從征功陞管軍鎮撫癸卯
秋上討僞漢德山從戰鄱陽湖戊之甲辰夏上
舉報功典建忠臣祠同韓成等三十六人祀康
郎山贈武節將軍驍騎尉汝陽縣子

梁 瑤銘子也數歲悼父客死不憚險遠奉喪歸
上念其功詔襲爵領五軍營正統間克副總兵
征鄧茂七爭寧會湖貴苗蠻寇邊瑤佩平蠻將
軍印率四省師勦之擒僞苗王偉同烈披山通

道追奔大捷進攻零香寨誅賊首苗銀虎萬餘
又攻靖州東山口及龍家隘斬獲渠魁伍林仲
原數千級焚戰艦百餘艘於是聞越湖貴之地
悉平景泰三年封保定侯掌都督右軍府事天
順初出鎮陝西純皇卽位召還掌都督左軍府
事卒追封益國公諡襄靖子傳嗣子宗嗣子任
嗣子承嗣子繼瑞嗣

馬鵬翼汝陽人國初從戎陝西時魏國公徐達北

征至陝聞太祖視師踰關東朝見鵬翼時隸行
間太祖奇其狀貌命爲鞏昌知府

傅秉文汝陽燠亭人李思齊復汝寧得秉文咨畫
獨多思齊以知府歷陝西平章秉文知慶陽洪
武元年太祖手詔思齊弗果秉文勸其歸順授
中書丞秉文移鳳翔庚戌以目疾乞骸骨歸卒
年六十餘

貴 茂字文實汝陽人父濟良國初醫懿文太子

疾愈太祖賜白馬金魚授太醫院判茂世其業
從英宗北征死土木之難景泰四年進迪功郎
子瑄嗣良醫孫仁進士江陰知縣儒絳州知州
胡海字大量劉安字世寧俱汝陽人正統三年
郡境旱民大饑兩人各捐稻麥千五百石助賑
事聞賜羊酒建坊旌之

房安字子靜天姿穎異出語驚人弱冠賦鶴詩
自况年十九徵至京師太祖一見奇之擢北平

按察僉事陞江西按察使文皇卽位安與布政使楊連僉事呂升並爲軍卒執上翼不誅謫戍興州尋召爲監察御史遷福建左叅政蒞事嚴敏嘗行縣貪墨吏望風遁去轉工部左侍郎數日出爲山東右叅政同官魏瑛誣告誹謗下詔獄闕家謫戍交趾坐大辟會瑛他罪覺并驗所告安事非實得釋召還其家屬改四川右叅政未幾復改交趾秩滿如京考最復任卒於官子

景啟易州學正景啟濠州學正

趙毅字孟宏汝陽人尚書好德子也博雅多才

凡六經子史天文歷數等書無不精詣善屬文
工草書頗有晉人風度隱於鶴莊與處士張一

中金子齡時相遇從忘情勢利永樂初徵為工

部給事中歷工部左侍郎太宗嘗召與語隨問

進規多見采納一日上召侍奕時盛暑亭午流

汗被尊即以手中扇搦之亡何以內艱歸起復

原官兼詹事府少詹事上欲作水牛流馬問羣
臣無應者毅獨得其法就便殿製之能行數步
上曰昔武侯因蜀道之難作今四海一統舟車
之便安用此爲并將其法納於內府八年奉使
交趾卒於途

劉喬永樂元年監生擢監察御史請旗手衛經
歷改行人奉命使真臘國威儀簡重不辱王命
宣德四年遷宜賓知縣致仕

蘇景暘字顯道永樂間監生授廣東市舶司提舉
廉能著聞性溫善好絲音致仕歸惟古琴圖書
而已卒年七十有餘

趙寬字子裕毅次子天資穎秀博學善賦進士
拜御史按遼東湖廣風裁凜然宣德四年御製
雪詩廷臣賡和寬進四十首時掌院顧公合諸
御史詩就寬斤削七年卒於官子通進士通孫

繼勳進士宜興知縣

趙

敏字子聰毅四子少英卓善屬文工書翰初

授兵部武選司主事正統九年王靖遠伯驥征

麓川敏叅謀軍事賊平遷吏部驗封司郎中十

四年英宗北狩敏扈從出居庸關八月十五日

次土木郎山師潰不知車駕所在衆南奔敏曰

君有難臣當誓死乃躍馬陷於陣中年五十二

景泰元年贈奉直大夫子遵廕太學生泗州知

州遠吉府典簿遇成安訓導

強 宏字士容汝陽人天資明敏書過目輒成誦
登正統壬戌進士拜監察御史彈劾務存大體
不矯激以沽直會景皇帝命監京畿兵馬保障
山東紀律嚴明敵不敢逼陞山西僉事陝西副
使致仕歸闔門養重時論高之

楊 威字仲儀汝陽人父璽洪武間爲歸安令有

善政威生而穎異日記千言領景泰庚午鄉薦

授霸州訓導抵掌談世務切抱隱憂天順初陳

十學多見采納明年又上疏劾本州官察貪庸
盜賊縱橫不能制遺禍將成當必不小侃侃干
百官不報後數十年大盜劉六等果起霸州卒

如所慮四年遷武勝教諭五年復上疏陳五事

其一論軍政謂德強敵於內地於計非是亦未

報書路嫌其執直而諫者題之九年遷永平

教授不赴歸年七十有一卒子元方榆次知縣

孫世祥嘉靖丙戌進士鄆門知縣

李 爲學受明教陽人父籍吉安府越判以故得
從楊文貞公游博極羣書領最繁癸酉鄉薦除
辰州同知城麻陽黔陽兩縣民不知擾洞苗以
爭田相讐教爲單請嗣片言解之苗人墾服
競奉金寶爲壽悉都不受九年秩滿民苗交奏
復留三年權鎮還知府嘗行部遇虎垂色滿坐
了無畏怖虎乃去亡何以致仕歸經女兒淵風
壽暴起舟且覆爲仰天祝曰爲忠官不敢欺天

閩人如有之天覆吾舟須與風止抵家發篋惟
圖書數卷日以自娛雖餼粥不克怡如也所居
舍壞太守欲爲修葺不聽年八十卒子舉鄜

州知州

趙巡字惟時信之子也少警敏舉人授松江府
推官復除處州憲興國知州性清介以不賂當
道棄官歸囊橐如洗卒之日無以爲殮時稱廉
吏無忤於世家云曾孫汝思曾源知縣

張琳字叢玉父晟有隱德徙上蔡黃埠里徙郡城南歲種瓜穆巖上啖行道人不責報頗精二氏言故門多長者單舉七子琳奉父訓丞蒲州補徐州再補濠州遷湖州倅居六載求解職湖州民遮道留不得歸里日以誦學課子爲務卒年七十祀鄉賢弟瑞字仲玉令廣濟士民戴其惠歸耕壠傍家始給卒年八十兄弟高尚汝人以爲穆巖之報琳五子偉德州判官儼贈御史

俸清豐教諭儒中弘治壬子亞元精皇極數是
科試題預推得之因置一函戒家人勿泄及啟
緘果驗博綜捷悟汝人目爲才子臨卒妻孥環
泣爲門戶憂時惟怨在孕儒張目曰吾家業有
靈芝矣當無慮傅中正德丁卯經魁漢陽通判

五子皆登科

戴瑤字仲儀進士歷南京戶部郎曹務修舉出
守登州鋤疆植弱興舉廢墜建祠廟公宇民不

知勞調臨江境內肅然豪右不敢犯才高不樂
爲郡恒有獨當一面之志致政歸卒年七十

劉紳字大用汝陽人成化戊子鄉薦第一登弘

治庚戌進士拜監察御史孝宗嘗欲差緹騎逮
繫郡守紳疏諫止之出按京畿山東風采凝重
羣寮憚服每治死獄必委曲求其生路至忘寢
食曰吾以盡吾心也遷山東按察副使釐奸剔
弊丕著風猷辛酉致仕卒於家

孫克通汝南人母病嘗湯藥不遑寢食夜焚香
天願身代母卒哀毀斷飲食者數日親友以先
祀爲重勸之始粥事聞旌表其門

張達志字槐野德性貞良入庠食餼試輒第一著

中天圖說作學易吟受業於伯叔柳池之門萬
曆間恩選貢初授內鄉司訓陞靖安教諭服闋
補韓城教諭轉周府宗學教授和以居鄉巖以
訓子每於清夜時手畫天理二字於胸上內外

孫六十四人卒年八十四歲鄉賓六次

張 珍汝陽人性純篤嗜書父翼蚤喪母賈患筋

骨痛珍設榻對居以圓木日夜輒之候寢方就
臥醒復如是冬夏不少休飲食置度閣隨所欲
奉焉三十餘年未嘗少怠買年九十一 珍年七
十相繼卒里閭稱爲孝子

郭 賢字希哲樸直寡言笑舉人授登州府推官

台試明允具水藥之燥遷武昌通判矣歸天台

陳忠愍獎其義行壽八十終保純武即陽
將軍

李守經字秉彝成化丁酉舉於鄉授絳州學正丙
午聘典順大試明年敬皇詔教秩三考者預御
史選時冢宰三原王端毅公亟材守經將彙其
名上請守經再四辭劉紳曹亨作辭身高風詩
貽之遷掖縣令和易明恕政在宜民祀名宦歷
淮安通判南昌同知擢平樂知府屢茂民譽于

汝玉臨潼縣丞汝楫工部營繕主事孫德馨居
喪涕血毀瘠平陰訓導會孫尚毅登甲子科

張晟字景明十歲稱神童遊大人間輒請韻賦

詩學使者劉欽謨陳選吳伯通石宗海赫旌異
之丙午領鄉薦明年上遣進士邢繆河南採修
憲宗實錄晟與許州邵竇分曹校讎庚戌署真
寧諭地僻人稀大雪寂寞憶昔人雪事各綴一

律詩六十八首壬子楚浙兩藩爭遣使聘晟

適楚得名士楊嗣何孟春請書于

菴先生櫛其主長安五經會秦簡王問其賢召
宴與語特疏收伴讀累官左長史王勣大第具
幄幕器用從者衣履良田四頃膚製詩序詒之
王薨戾誓死保孤不避嫌怨秦宗世戴其功戾
絕麴生交復不喜白黑子戲曰與藩泉郡大夫
結社廣和都臺熊止菴數枉車騎就戾問奇正
德庚辰以三品服引年歸纂輯郡乘三十八卷

人服其藻雅有詩集若干卷

張伊字宗尹儒弟瑀子也諸生時太守張得伊

令諸子師事之領鄉薦就井陘論復補蒲城令

因母病棄官歸服闋或勸之仕伊曰昔捧檄爲

親屈也今二親已逝豈計溫飽爲妻子謀耶遂

終身不仕郡守張司寇器重之四明馮公請爲

郡乘學使來公聘主大梁書院一時名士多出

其門子孝平定知州從孫雲翔鳳陽知縣曾孫

守國長陽知縣

楊來鳳字從儀汝陽人正德甲戌進士授會稽縣
令以政最擢山西道監察御史時上將南巡來
鳳同諸御史疏諫上怒杖於闕下幾危出按陝
西事未竣以病告歸杜門養重尺牘不入公門
衣乏羅綺行不與馬猶然一寒士也時風高節
邑人至今仰之

熊 邁字道夫進士正德丙寅奉命陝西會官纂

修孝廟實錄書成授駕部主事六越月憂歸家
徒四壁立寓朗山延禧寺教授生徒門下號竹
軒十友林介立最著者年三十二卒汝人痛悼
之後十載諸舊往省前跡惻然有懷介立作秋
行十二首以寄慨遇弟選登正德己卯科選子
勉學雲南叅政

孔 輔初名孟富字道充汝陽人幼以神童稱登

正德戊辰進士授中書舍人遷刑部員外郎

刑明允上覽其疏賜名輔蓋以公輔期之也已
卯上將南巡輔偕同舍郎孫鳳等伏闕諫被杖
幾死尋出爲松江守丁內艱復補辰州世宗改
元大褒諫臣得進俸一級又以外艱歸起補廣
南便道抵里卒輔天資穎異積書至萬餘卷過
目輒不忘所著詩文甚富而子姓零落不少槩
見人共悲之

林時字懋易號介立汝陽人正德庚午舉河南

鄉試第二_一丑舉進士爲翰林庶吉士巳卯授
檢討尋以內艱歸壬午起復會修武廟贊錄爲
纂修官乙酉實錄成進編修爲經筵官丁亥擢
國子監司業辛卯改南京通政使司右叅議甲
午擢右通政乙未改提督膽黃會繼母喪歸遂
卒壽四十有五時幼岐嶷穎悟絕人六七齡讀
書一目成誦大父卒值家中匱時稍九齡或日

一食或竟日不食讀書不暇名

和守年公暇周之畢重其學每輒與造訪所

居不容輿必踵就與論古今常變經史信疑及

在館務學益勤每讀書夜半爲文深思不苟會

議大禮忤旨與同官俱遷獄杖三十病踰月乃

間武廟實錄且成惟迎立世宗等二事未決衆

議紛然時奏記副總裁卞峯董公曰昨聞迎立

一事或云由中或曰由內閣誅賊彬或云由張

永或云由楊廷和疑信之間漫然無據竊意廷

和以忤旨罷歸永坐罪廢今上方綜覈名實書
進二事必首登乙覽恐將以永真有功廷和真
有罪不待左右汲引排擯而君子小人進退之
機決矣董公以白之總裁鵝湖費公可之書進
天子由是傾心任宰輔而宦寺之權輕矣爲司
業立十二會選博士堂官文行優者六人分領
之月終稽覈親爲改正諸生中有悍情久不至

之親面執名曰吾以司業治監生非治當路也
爾何坑痛責之已而閣老治遣祭文廟者作詩
得御和遂立石於廟時曰不可文廟具瞻之地
一物不可損益况有聖製可輕舉耶事遂寢及
孔子祀典成有欲上表稱謝者時曰古既不能
正又從而誦之人其謂何事又寢亡何慎選師
儒之議起上疏請休上下吏部覆奏得留京別
用之命已乃改陞南京國子監祭酒在南公事

殊簡升堂後寂如也暇則取諸經傳閱之作文
賦詩無虛日嘗著介立子未就會憂歸焚焉初
奔喪急途中積熱十月疾作謂子宏等曰吾所
爲爾曹極知之能勉於爲善吾死無恨矣天下
事平生儘有志卒不能一爲命也柰何越十二
日遂卒是日大風霾汝人聞者皆曰泰山頽矣
至有憤惋泣下者

城張君伯謹廣於其地
遷扶風教諭錄尚書
履恩誼多於科條內艱歸
扶土爲立去思碑再
廬母武氏慕寬以悲號而
卒有築垣工得金錢舉歸
昂辭曰天賜爾吾何
須焉卒郤之祀名宦鄉
賢子漢字維章陝西魯
議

劉
倚幼葬母築室獨居
再盧父墓毀瘠幾不起
烏噪悲糜馴於野甘
露隕樹杪郡人聚觀之太

守李丕顯貽斛杭清曰草土殘喘未敢飯是辭
易之麤始受太守懸詩處壁去起家明經除浙
江臬司知事遷蒲州丞董餉雲中胥餽餉四百
金清遣力汝上鬻產代償腹有死罪因乞罷歸
性方嚴學通五經雪不爐暑不扇衣冠不極垢
駸不飭寡言笑對僮僕肅如也行烈風暴雨中
躡躡無棘容市人競指爲百道先生曾孫繩祖

登癸卯科

李玠字國器正德間平都御史彭公征寧州

師汝上玠上禦寇四策越日都御史孫公至玠
倡築城議借河工緡報可再越日彭公南出師
玠又陳五事多見采納玠充貢京師奏邊務數
萬言大司馬王公奇之舉將材不果訓導成寧
都御史吳公聞宸濠變檄玠佐戰至蒲圻還承
願保靖苗仇殺人玠往宣朝廷恩威咸伏服各
扛金頰首謝拒不受以親老乞歸卒祀鄉賢孫

汝陽縣志
大觀輝縣訓導

張景宇光啟汝陽人嘉靖癸未進士兩宰劇邑俱有善政擢監察御史出按陝西疏陳邊務十事並薦涇野呂先生於朝繼按蘇松浙江建天真書院祀陽明先生仍置田數百畝以給肄業諸士丰采凝重敷揚得體至今臺中以爲典型丁酉巡視京營謝絕請託遂與嚴世蕃相左假

汗簡淡白甘晨起來於家懸衣帶於門
逆客暇則出野訓俗汝人往遊者出茗一盃
一握無加餐南樂魏怡稱爲鐵漢直指劉龍田
課其最同僚擠之歸一廡力如故躬耕自給

云

劉訓字子伊汝陽人嘉靖壬辰進士授西安府
推官持廉秉公人不敢干以私以憂歸起補溫
州有權貴人子怙勢恣睢從惡少數十輩橫行

州里漁色罔利欲奪其友人妻不得乃毒殺友
人事發到郡太守莫敢問遂託病推印務於訓
訓慨然領受故以好延貴人子於廳杯酒笑談
密勅閹人閉門呼訟者至與之對理獄既具卽
杖殺貴人子置羣惡少於法一郡快焉權貴人
大以爲恨然陽浮慕之陽王爵陞爲戶部主事
訓知其意卽挂冠歸隱於東村日共素心人話

如此者三十年

李孟頴字子吉汝陽人少補邑庠卽有先民矩度

事親最孝對妻子如嚴賓戲謔不出諸口喜怒

不形於色視聲色貨利蔑如也嘉靖間以里選

爲濟陽司訓謝絕餽遺揭周程張朱諸格言於

壁間化誨諸士偕之大道諸士駸駸向之有過

不敢使知俄解官歸家徒四壁立怡然安之生

平善大書人得一紙不啻拱璧然頗自重不欲

應豪貴人求西平王司馬走幣數千里斬書坊
額而行人失辭遂麾諸門外先後郡太守若王
公崇古徐公中行皆難重其爲人數加請召或
枉車騎過之而頑絕口不談時事未幾卒

張四知字子畏汝陽人弘舉嘉靖庚戌進士是歲
禮部所籍奏士多海內文學之選號稱極盛而
一時諸公聚闕下若維揚宗子相嶺南梁公實

吳興徐子與豫章余德甫鄆州吳明卿西蜀張

單詞隻句之雄轉相引重爲名高少年爭附麗
之四知日遊諸公間意獨不然數以口語折諸
公兩不肯相下四知益閉關下帷湛精極思自
攻其所好久之出其所爲古文詞數篇能剗削
淨盡直臻雅道纒纒然成一家言諸公竟不能
譏也初郎比部尋調駕部在時傳符闕出于者
如蠟一切拒絕卽大司馬有所縱舍爲貴勢人

地直持之不毫髮假貨以是貴勢人多銜之居
亡何出爲四川按察僉事比至所部一意修舉
憲體故示嚴重五馬大吏來關白事不長跼不
起坐而諸所懲汰尤峻賊墨望風憚於神君川
東故有禹坊會蜀撫公阿寵臣陸某意檄所司
爲其遠祖宣公樹縛楔制視禹坊特敝斥之曰
宣公卽名臣功高神禹耶亟縮之母玷累宣公

不已竟劾罷其官既歸益與世疎一夕忽夢我
平子語之曰吾宗之彥在于矣寤而歎曰嗟乎
天將畀余以窮愁著書耶堅鑰其戶戒門者毋
通賓客日坐一室旁羅圖史惟以著述自娛汝
故南北都會士大夫喜務豪舉每招客或徵歌
選舞以爲驩一切悉屏弗御自是時人目爲崖
異罕與往來乃自信較若刻畫終不肯少利以

徇衆人也所著書有韶亭詩集若干卷雜文若干卷中州考若干卷崇古韻譜若干卷四書釋義若干卷藏於家

羊

傑字士英晉叔子之裔也領甲午科鄉薦和

厚易直誠實淵深日習古文子史獨得要義不屑章句累上春官不第授山西榆社令調陝西府谷恤寡賑乏興學課士邊鄙頓曉禮義有上

舍其驕驁不法包侵官事傑怒而杖之七度成

早清淡自甘市宅田園應受之祖父者悉讓諸
家人隱居城南柳塘村率諸子講性理大學衍
義不輟尤潛心參同契內照經諸書晚號南溪
先生卒年七十有八祀鄉賢子可立太常寺卿
可久知縣可由中書可受教諭可仕儒士孫一
中登乙酉科曾孫琦順治壬辰進士

孔惟德字恒甫壬子鄉薦明年登進士授南京刑

部主事遷本署郎不辰得當者甚多出守泉州
時倭犯地方當事議增餉長富室惟德爭之甚
力以是獲罪調守潞安期年有司理在諫垣飛
語謀中之移兩浙運副尋遷夔州擒巨寇王忠
等散其逆黨臺使疏於朝將大用亡何以前驤
事議上臺知其枉力辯之惟德念親老決意投
歸承歡色養二親相繼終喪痛號哭毀齋踰理

清癯州會都移丈山惟德上求足真武平差句

守萊州以揭報有司羅韓貪殘私人欲舍沙甘
心焉慨然致政歸閉門課子孫引忠孝故事曰
講藝之卒年七十五子明棟光祿寺署丞孫心
登己酉科曾孫門奇登己卯科元孫邁順治乙
未進士

趙賢字良弼汝陽人嘉靖丙辰進士授戶部郎
庚申臨清辛酉遷東兩差皆司錢穀風清弊絕

可質鬼神王戍攢順德守未任丁內艱歸乙丑
起補荊州荆適有大浸賢席不暇爨身行村落
間計口賑饑操舟渡溺閔閔焉若慈母之於子
也仍爲築隄障水流渠灌田荆人得無水患而
且享水利大盜楊勝德黃中輩流劫地方賢單
車詣壘責勝德以大義賊衆皆叩首伏黃中等
亦聞風降各待之不死地方以寧會遼庶人以

數人推於法武王而易之
鹵皆疏薦治行第一丙寅加三品服俸戊辰陞
湖廣叅政仍守荊州荊州士民不啻家戶而戶
祝之仁河丁外艱歸壬申起補湖廣叅政四月
陞浙江按察使七月陞僉都御史巡撫湖廣下

車卽畫楚便宜條上十事復疏救荒四事一一
措詔實政暇則褰帷行部問民疾苦顯揚節行
蓋三年而楚國大治乙亥召回協理院事歷副

都御史巡撫山東吏部侍郎南京吏部尚書鴻猷亮節所在著稱時江陵方秉國最稱知已然以公非以私也守荆撫楚嘗以三尺繩其親讖僕從無少貸及其奪情罪言者又移書規諫而江陵不聽遂以形迹自遠乃卒爲所波及海內惜之後子壽祖爲安慶守考績上章白狀詔復原官准致仕萬曆丙午卒年七十有三公生平

不
恕行取授南臺御史疏復海運俾江南軍官備
水戰壯聲勢息懈氛未蒙採納出爲陝西行太
僕寺卿改四川僉憲遷西寧副使有保障功會
撫臣殺熟番邀功賞橫廷辯面折其奸特轉本
省右布使棄官歸自號西湖釣叟方嚴峻整耻
與匪人言卒年七十有五兄楠登丁卯科

方
瑤字國珍千戶所義勇貌魁梧多力能舉五

百筋鼎並挽雙弓霸寇劉良趙繼等寇汝瑤應
募隨守備余英出城拒賊於韓莊賊鋒銳甚英
懼先奔潰瑤奮勇力戰手刃數十賊矢盡刀折
下馬撒屋椽復戰被賊圍繞數匝攢矢射死時
年二十九明年都御史彭澤督兵至聞而悲之
令有司致祭仍以金帛恤其家

張雲翔字冲羽乙卯科舉人少穎敏好學文多閱

行舉於督學楊公稱爲至孝親造廬坐談竟日
屢試春官不第父年八十終養以奉父或勸之
仕除新城縣教諭訓士以禮德行重於文章陞
廣平縣令縣素稱難治雲翔巾上臺裁協餉銀
若干舉善旌孝以勵風化考最以廉能註名尋
以外艱歸父老泣送有遺愛詩服闋補鳳陽縣
申畫民產使豪右不得併占士民戴德立生祠

祀焉

羊可立字子豫傑之子也奇穎多才敦古誼尚節
操登進士授安邑令邑積逋十餘年近數萬計
可立釐其弊具狀臺司奏於朝命下率里老計
各都圖槩行踏丈經年餘前所逋者通派無隱
不半載差役得均復將都圖田糧總數晰列之
石防奸猾垂永遠安邑士民至今利賴焉會夏

東之劾張居正可立奏以私憾搆遼庶人憲燁
獄狀命刑部侍郎邱授籍沒之上曰摘發大奸

功著京堂御書盡忠言事賜之復書名御屏嘉
其鯁直按鹺兩浙首薦地方人才王錫爵得大
拜定鹽法條例劾監生朱大英之苞苴吏部陸
光祖之請託權貴勢要心憚之特擢尚寶司卿
尋陞太常卿可立意不少挫復同江李言壽宮

事彈申相朝堂悉憚其鋒稜時江陵私人乘間
謀中之遷大理評趙用賢吳中行貽書勸求遠
自全遂出爲天雄司李有晚香堂詩移瑞陽少
府有筠州詩不攜妻子示其便於去就乞休者
再張洪陽鄒南阜咸曰壯年奇才賜環指日慰
留無已逮遼陽經畧命下適臥病不起祀鄉賢
子一中登乙酉科孫琦順治壬辰科進士

李本固字叔茂進士授蒲城令舉卓異民甚德之
擢御史巡視十庫力糾豪猾事危告歸已丑起
補雲南道御史按三秦懲貪還摘僨帥壓強藩
時號西秦得人復按雲南天末法弛俗雜本固
稟以大義軍士豪右皆爲屏跡報命入都同嘉
臣李宗延垣臣費必興諫請冊立東宮上怒劄
籍歸里築碧筠館著書賦詩不聞戶外事光宗
初召起太僕少卿遷光祿卿尋上忠叛旣秀彰

討宜決一疏與時相忤擢獲滿大理乞身高臥
享年八十贈工部右侍郎論祭一壇著述載藝
文子士雅甌寧知縣

費必興字應祥進士授中書舍人擢南禮科給事
中同御史李宗延李本固諫請冊立東常荆籍
歸小室淨几寄情翰墨二十年素寡交游嗜與
諸子姪琴樽相娛光宗初召及之惜早卒

笈和城從師肄習咏蓼教詩心惻惻焉動歸侍
父母疾跽進湯餌父母相繼逝永清哭痛絕水
漿者五日鄰里裹其葬事披髮殭臥誓從死地
下鄰張自大捐尺地覆茅居之林柏又捐尺地
永清得負土築且晝夜號哭三年如一日有巨
蛇伴足眠白鵲飛鳴樹上不去黃犬迴墓而嗥
忽不見竟瘞死廬中妻唐年二十子繩孝五歲

續孝巡嵐里長泣聞有司復其家歲給粟帛四
金

李宗延字景哲號嵩斌前萬歷壬午鄉試第二丙
戌進士初任湖廣黔陽縣丁父艱服闋補山東
長清縣調陝西咸寧縣入闈校士所取八人先
後皆成進士薛觀光左史其文章功名尤顯大
行取御史時太子未立人言汹汹疑上欲立少

子福王宗延上疏諫之言廢長立幼非太祖法

歸里家居十八年潛心經史聚書數萬卷絕口
不言家事所著十三經字詁二十卷栩栩軒文
集十卷天啟初起官太僕少卿未幾擢都察院
上疏言宦官權太重郊廟所用樂非雅聲上皆
嘉納之陞戶部尚書封祖父如其官廕一子官
生時有邊警特簡戎政尚書又陞吏部尚書以
年老致仕御書秉銓清正四字褒之馳驛回籍

年七十三卒差行人張三謨祭奠贈太子太保
賜塋地祭田廢四子允瀆中書謚莊靖長子允
華壬辰進士有才名爲潮陽滑縣令皆有善政
陞禮部郎中山東督學未蒞任卒所著有匏菴
草星少草擅藥堂詩集數十卷藏於家

桂有根字徵實進士授山東金鄉令三年奏最尤
愛重文士貧者多方振拔邑士周永春貧不能

給事中督修乾清宮值神宗張樂別苑聞有根
鬻從聲顧左右曰桂鬚來也次日以荒淫疏上
帝爲改容由六科左右給事中遷吏科都轉太
常卿遷左通政尋轉南太常留白門怡情山水
十餘年無復求進意陞工部右侍郎致仕歸卒
論祭營葬祀鄉賢子高攀貢士繼攀登己酉科
孫泓廣東海豐知縣自有傳

吳愈字元冲進士初授山西長子令補安邑有政聲士民祠祀之陞戶部主事管倉遷郎中奉通州大同兩差清正自持羨奇不取主爵者嘉之遷陝西關南道陞山東右布政時邪教倡亂調兵勦堵撫臺趙苛責將領兵大譁愈從容安慰得無事當事忌之尋爲所中致仕歸別號天慵叟崇禎年間奉詔遣官羊酒存問卒年八十

畿南惡少劉應第煽亂當事有竹事倖功者振
商檄所司不得株連得解者十餘家剗相陽國
士天雄三書院以造士皆攝學政時事也按晉
命下外艱歸及巡視茶馬不俟陛見賫勅印至
里時以爲異數云值陝災荒七監尤甚每監發
二百金備穀賑濟閱武寧夏定趙守祿妖人之
變庚午監試得人稱最盛內艱闕起大理寺丞

轉本寺右少卿遷太常寺卿巡撫南贛歲大荒
流寇出沒渠魁邱囊等結衆雄行詔營官李猶
龍密授計縛之地方得安政暇接生儒論文藝
千里乞詩翰者不絕秩滿遷南兵部右侍郎時
魏黨懷寧侯孫承蔭毒軍蠹民道路以目振商
管兵戶二部總督倉場篆朝夕圖維極力振刷
杜虛冒革索需飛章劾承蔭尅減班軍鹽菜銀

避險難入都朝見賜宴陞兵部叅贊機務尚書
具疏辭上曰卿練才夙望簡任留樞時事孔棘
宜速赴任庚午赴南都軍政次第舉行江左倚
爲長城僉曰南都惟見司馬公一人而已亡何
引疾乞休蒙旨溫留振商意堅甚歸里自號養
拙叟角巾草履依然寒素風著有愛鼎堂文集
傳世嘗誡其子弟有箴曰居鄉黨最要與物無

競而薄俗頹風多非意所相干初當之未免不
平輒鬱鬱竟日看來是涵養未到便與犯而不
較心境霄壤以後須加降氣法凡遇此等如浮
雲之過太虛久之心境不役客氣自斂已讀此
可見其平生品詣卒年六十八贈太子太保諡
莊毅諭祭營葬暨元配萬夫人祔焉祀鄉賢子
孕岱孫鶯祥鸞祥各有傳鶴祥福建運使

趙得川字子壽尚書賢之孫方伯壽祖之子孝友

塾造就後進祖父相繼卒有以田業事侵及者
得卵含之不與理其大度優容若是受廕後猶
奮志期科目惜未竟厥志早歿祀鄉賢子重昭
歷官汾州同守時多政聲

彭鯤化字飛仲進士授金鄉令敦樸雅重政多寬
大性嗜古文公餘輒就帖吟尤以勸農課士爲
先績最長御史出按兩浙城社肅清病歸起大

理寺丞時魏黨煽虐仕類舉足陷網吏部郎蘇
繼歐忤逆墮下獄鯤化念鄉說薄餉一餐瑞私
人議及之禍幾不測幸素以清直著得削籍歸
魏敗召還職堅臥不起築古香園讀書其中受
徒多名士著述載藝文弟鯤颺登辛酉科子傳
讀恩選

秦 鎬字京家貧性至孝爲諸生試輒第一屢困

場屋令公劉汝康嘉其才捐

人太學復不第

之晉魯蜀楚之鄉遍歷焉遇皆奇士獲多古籍
居吳越十餘載一時名卿墨客皆以詩文訂交
遊覽諸名勝爲言灑灑以記之歸來投老南陔
亭臺花竹之勝南北投贈者屢滿直指監司守
令多造訪焉鎬幅巾藜杖相從譚世外事太守
王公建和學使潘公會絃以逸才薦御史李日
宣疏於朝時與江左劉伯宗江西萬茂華楚譚

元春同應徵在錦屋不就作詩辭云穎水半畝
巖月細桐江一線野雲寬堪笑年來多一事逢
人都勸我爲官之句後寇亂城陷僞官迫之未
出絕粒而死年八十有二自題墓石云人間貧
孝子地下老書生著作見藝文

陳石畫灌裔孫也貢士長身修髯讀書慕古事母
孝家貧日不給開門受徒近百餘人爲文好奇

刑每試前年... 俗不與俗五道通

不出閭巷汝人高其清貧

戴君偉字玉吾器識沉凝性復狷介下帷攻書治
尚書通東萊博議隱居東陂先壠松楸皆手植
時護培之以其學授弟子先後雋於庠夏時葛
衣竹杖逍遙田間冬閉戶焚香手編古文詞自
娛多有隱德子鵬傳尚書學數科不第貢於鄉
劉三重汝陽人父母繼歿三重號哭毀瘠誅菜爲

沙陽縣志
廬居墓側三年有賊劫其衣單重不知懼縣令
姚士恒碑誌其事

孔門俊字伯雅孝廉心之子甫列諸生父病以
弟幼弱囑俊同母弟二傑英可六七歲再
三彥三歲哲甫週奇方彌月俊泣承父言無養
教訓曲承母命及諸弟稍長延師完娶以次厚
當於禮俊復告於祖父王前析產以居俾知艱

告者弟德業文章並重費字奇獨以少年為志

今爲元章有故法以爲稱伯氏之遺子遂進
自有傳

伍 化字臨橋其先閩人唐狀元伍喬之裔父鑿

博通地輿生卜葬河隅鑿卒化同兄躬自理築

廬墓三載哀毀骨立於時鴻鳥來巢河內突生

一洲人咸詫爲異負母張移居鹿臺邑養貧愈

弗懈及病禱以身代尋愈首長尺餘壽九十九

卒化二子長賓次經俱庠生邑侯扁云狀裔孝

嗣兩臺以純孝表閭

孫元輔汝陽人性至孝一日他出賊騎劫其家執
父拷索元輔聞之號泣負刃往救或以勢索止
之不聽遇賊於途尚挾其父聞號泣聲急旋得
之元輔見父傷無完膚詈不絕口奮前擊賊中
鏃亡時論壯之勒石表其墓曰孝死

朱榮祖汝陽人機警有才慷慨好施撫臺元

祖計賺賊入城受賞於城隍廟縛賊首殷守祖等五十八人盡殺之榮祖謀力居多常語人曰生平此一快心事倘不虞卽死後城陷偕妻孫氏登樓自焚

劉懋助汝千戶侯父必顯世職慕儒好文餼食於庠懋助幼喜讀書及長嫻武技闖寇陷城與賊力戰不支大罵被害

袁永基字綿祚漢邵公裔明以祖勲世職汝寧性
剛直才畧過人博奇門觀象書偶占多中城陷
與母拜決東甲短兵戰賊城上手刃賊級尋以
衆圍被害仲子世允並殉長子世振 國朝戊
子拔貢有文名考授通判未仕卒

傅孕蒲邑庠生也甲申六月袁賊自襄陽猝至弟
孕續爲賊所執索其玉帛羸馬笥聞卽奔至給
賊曰吾弟幼而且貧汝可釋之吾適自南來所

擢盡付汝嶺行逸去箚實無物與賜物傳言以
脫其弟耳遂被害至今嶺子鵝祥等歲時展祭
其墓以報脫父之恩

國朝

桂繼攀字世叔己酉舉人九上公車不第授山海
通判軍餉發輸得當經畧范志完奏改軍前費
畫同知議多奇中屢奏捷功革命後授宣府同
知遷大同知府尤多建立尋陞陝西洮岷兵備

副使晉叅政恬澹自守飭體寬大致仕歸里囊
橐蕭然生平性嗜古金石遺文醫藥星輿諸書
靡不蒐討卒年八十一著作多藏於家

傅孕壽字玉策前大司馬莊毅公振商第三子也
少穎悟終日手不釋卷弱冠食餼既而屢試不
第以選貢明末授尤溪縣令禮士愛民閩邑稱
其廉明閩雖人文接踵而尤溪僻在山林明三

百年外甲進教人出此季考得童十後自奉

曰此大成器也拔第一人加意作著及
辛卯壬辰聯捷繼而文風遂盛時比之文翁化
蜀云蒞任未二年值鼎革大兵入閩謂貞
勒王於延平王喜甚令復任以病歸里杜門不
預世事惟典籍自娛友愛諸弟教訓子若孫皆
有先民遺風年五十餘卒著有愛靜山房集數
種子鶴祥德安府太守封父如其官

孔門奇字君平前萬歷己酉舉人心第六子也弱

冠中已卯鄉試 國朝授廣西貴縣知縣縣民
苗錯處南山苗韋金寧尤稱桀驁屢服門
奇未蒞任時兵道祖某太守閱某以計獲其妻
子繫於獄將請大兵勦之門奇至潯州府知其
事謁太守請曰苗民可以德懷不可以威服聞
金寧妻子在獄可釋之俟某到任日曉以大義
未有不服者不然大兵一至百姓先受其累焉

山路險峻設有不虞便罷兵賊時矣太守從其

從者十餘人入其峒金寧陳兵以待之及見門
奇其子識之曰果釋我母子孔公也延至家率
妻子羅拜於前鼓歌以侑飲留三日始歸苗人
不復反矣後年餘門奇以前任事罷官金寧饋
以千金卻不受遂立生祠歲時尸祝之歸里後
結廬練江之濱藝黍養畜以奉太夫人又構書
室於堰頭寺聚鄉里子弟讀書於中卒年五十

四子遇歲貢

桂 泓字元旭前工部侍郎有根孫也由官監授

廣東海豐知縣縣素稱富庶凡官日用皆里下
供給泓曰旣食君之祿復腴民之財不可吏曰
此舊例也泓曰例非朝廷之法自我變之不亦
可乎遂除之海豐瀕海自昔科第甚少泓下車
卽修整學宮暇日與諸生講明瞿唐歸胡制藝

之法丁酉科登賢書者六人黃易陳龍慶

貴州之想貴道明外崇善成成會計貴易持四

宮嶺表傳爲盛事商人毛奇有海船十餘往來
日本琉球諸國有仇人控於臬司誣以通倭委
泐審之毛奇願贖以萬金泐卻不受竟白其寃
奇感激涕泣以千金爲立生祠朝夕拜祝焉後
以鹽課註誤罷官卒於嶺南囊無餘財以士民
資餽妻子始得歸里海豐至今頌其清廉

李士雅字大雅少司空本固子也幼嗜學韶年食

餼國初以歲薦授平陰訓導又擢武陟學正
課士有法數年間登賢書者數人李如蘭和泰
王化鶴皆授業門弟子也撫按交薦授臨寧令
時七閩初隸版圖縣爲南北衝途大兵往還無
虛日凡夫役糧草皆取之民間士雅極意撫綏
軍需不匱而民亦無蹂躪之苦竟卒於閩妻子
歸里止圖書千卷而已時人稱其清廉著有依

李士良字孔昭少司空本固子也明崇禎己卯以

父廕仕南太僕寺主簿時流寇已渡大河陷沒
廬鳳州縣有援勦總兵某過滁乘亂掠子女玉
帛滁人奔竄州刺史畏怯閉門不出士朗語百
姓曰爾無恐卽見總兵謂之曰國家遣兵衛民
非害民也今縱兵蹂躪地方獨不畏朝廷法乎
總兵下令嚴禁一州秋毫無犯滁人德之立祠
豐樂山至今尸祝之後歸里以多病不樂出仕

年五十餘卒子四人俱庠生

傅鸞祥字鳴和大司馬振商孫也以蔭補主事

豫王下江南授嚴州通判又調湖州通判時崇

德縣水寇仰七聚黨千人劫殺商旅奉上臺檄

緝捕鸞祥率民兵夜入其巢穴擒之餘黨遂散

擢太原同知國初頑民弄兵屢起大獄鸞祥

有明斷才上臺咸委之止治其柔魁脇從者盡

禱之擢寶慶太守時詔天下守令察東地方利

與鹽所以實永二郡食東粵鹽不便陳之蓋
鹽由長江達湘潭一船可載數萬觔故其價賤
粵鹽由郴州達湘潭水淺石多往往覆溺故其
價貴深山窮民多有淡食者粵鹽院以受淮南
賄賂題叅官幾罷部卒從鸞祥議民歌頌之竹
房寇李來亨叛詔四省兵討之湖省太守分地
督催軍糧鸞祥駐香溪去賊不及百里軍需獨
不匱露處年餘勤勞最著諸上臺咸褒嘉之賊

平擢天津道以事誑謾未蒞任總督蔡白其事
候補歸里鸞祥同產兄鸞祥字子獅順治間山
東叅議皆天性孝友事太夫人極孺慕之誠太
夫人有疾病則涕泣不食終身如一日所得俸
祿皆與諸弟共之家無私財至今汝郡稱孝友
娓娓不置云

孔邁字陶種前萬厯己酉舉人心之孫也辛卯

登鄉薦乙未成進士授豐都知縣未幾行

世祖章皇帝崩凡山陵大禮與諸郎官議大宗伯外
公多從邁議焉事授擢郎中出守金華府金華
俗靡侈邁示之以儉服食淡素屬官來謁者一
飯之餘無他晏享俗好訟一詞牽引數十人邁
廉知其弊凡誣告者多反坐之期年而訟簡公
庭之上闕無人焉後以前任事罷官浙撫董白
其事以原官候補歸里年才四十餘絕意仕進

人服其高尚每行市中無車馬僕從見者不知
爲二千石也汝邑甲科最盛明三百年無兄弟
捷南宮者邁同產兄暹庚戌進士人以爲其父
孝友之報云父門俊有傳

羊

璘字長玉御史可立之孫也弱冠入庠食餼

工古文詞及詩兼善臨池藝屢試不第磊落猶
灑有晉人風致及弟琦游宦四方父玉在年垂

龜璘璘依依膝下不敢遠遊疏水次飲溫詩

重修府縣志若干卷

夏璋琦字一韓幼穎悟年十三入泮縣令劉泰
稱爲神童愿懸謙恭里閉重其行館既年以
貢授清源令抵任未及三月不合時宜罷去以
易教授門徒常數十人先後皆入庠郡伯命
行鄉飲禮凡三就賓席年七十餘矣

早 琦字羣玉御史可立孫也少嗜學試經書

會城陷後困苦流離衣食往往匱乏其一卷吃
年不休時人多非笑之琦不以介意願治學于
熙士聯捷初仕歸德府廣文以罪戾訓益法教
士士多振難科焉擢國學助教令

上諭賜銀牌彩緞人聞取士所拔皆一時名宿擢
吏之監事出為井陘僉事兼管三關兵馬每歲
餉餉者于海邵不受以年老致仕志老環

孫以易教授門徒數十人皆一時知名士元
慶與兄明經元璜丙子舉人元琛清佛家學戊
子己丑聯捷授岳州府司李時洪內閣經畧湖
南岳州最爲衝要元統理刑名兼轉軍需事事
並辦溪公每歎其才行取入京工部主事分司
南旺凡山左泉水元統皆親歷其地運河無淺
淤之患河漕未全特薦以爲可堪大用擢鄆中

未幾高授浙江督學浙間人文淵藪然亦不無
請託元璣止以文章爲去取雖拂當事之意久
之亦服其無私所得皆一時稱儒先後顯達者
胡會恩沈三曾仇兆鰲范光陽顧錕陳錫祚其
最著也事竣歸里優游林下者幾二十年杜門
靜養終日以典籍自娛鄉黨稱其長厚卒年七
十四子士驥奉天府通判士騶丁巳舉人

字晉厚某司位之孫也七歲喪父泣流如

成人未幾而母亦歿事祖母太淑人極色養之
誠弱冠食餼會闖寇陷汝太淑人年老不能行
世清抱負逃竄時值深冬苦寒得敗絮衣太淑
人始免僱仆後僞官命有章下令考試茂才授
職規避者處以桎刑世清執卷潛泣托以暴中
惡疾不能執筆獲免遂避居西村躬耕自養
國初入城教授生徒先後遊泮登賢書者二三
十人性恬淡喜怒不形於色暇則執一卷以自

娛臨鍾王書得其勁秀時人爭寶重之居家嚴
飭凡歲時伏臘凶吉大事俱遵古禮太守金公
重其德行延爲鄉飲大賓卒年七十四子三人
長永匡乙酉舉人次永馨廩生永錫戊午舉人
戴鵬字六息幼而穎異試輒冠軍家素貧能自
樹立不與流俗伍年四十膺鄉薦不樂出仕家
居教授樂引後進及門之士皆成名宿平生重

義氣無瓜非誰不求其報晚年益壯自壯門

讀書不問家人產業年八十有奇耳目聰明有
求文者揮毫立就無衰憊之態九十三歲無疾
而卒

張星文字六星郡庠廩生解元自立曾孫也通經

史工詩画潛心典索體認程朱明末逆闖陷郡
身罹賊營見幼婦抱小兒者賊將殺其子而虜
其母因冒死救之賊怒數刺其股遂跛一足後
劉洪起剪滅沈營執鄰人顧姓臨刃文爲涕泣

求生持刃者感觸釋焉嗚呼當斯時也苟全性命不暇尙冒鋒鏑求活他人其意氣高千古矣國初太守方公司馬高公下車拜訪憐其艱於步履贈之車弗受餽金辭題其門曰汝南高士有弟星瑞亂後爲僧栖止吳越間文棄田廬尋訪歸汝易產之貲半克弟師之香積半爲仙女橋之善果至於文朝夕取給者一硯之外無餘也

皆有造園稟子延模貧不能刊謹珍藏之

齊人妻宋人女也。姓于。其夫有惡疾。其母將嫁
之。女曰。夫之不幸。乃妻之不幸也。奈何去之
不爾。采芣苢之章乎。雖極臭。屬之于將之。終于
覆。覆之况。夫婦之道乎。彼無大故。又不遭妾。何
以得去。終不聽母言。

齊人妻宋人女也。姓于。其夫有惡疾。其母將嫁
之。女曰。夫之不幸。乃妻之不幸也。奈何去之
不爾。采芣苢之章乎。雖極臭。屬之于將之。終于
覆。覆之况。夫婦之道乎。彼無大故。又不遭妾。何
以得去。終不聽母言。

改逆命君慕鮑宣潔濁之高妾亦從少君孟
之寧蔡邕贊曰雋卓豐盈實有佛表孝敬婉
畢力中饋童子無驕逸之尤婦妾無捨力之
朝春政于王室躬桑閨于徽宮于懿達仁達
中壽六十三卒

許氏餘元妻年二十一而寡于襄南三歲父攬
其年少過適同縣張買許自緇氣絕救良久

晉李絡秀周顛母也顛父浚晉安東將軍出獵適至
過絡秀家會其父兄不在絡秀與一婢宰猪羊
具數十人饌甚精辦而不聞人聲浚恠使人覘
知之因求爲妾父兄初不許絡秀曰門戶殄瘁
何惜一女歸浚生顛及嵩謨李氏得爲方雅之
族

唐桂娘竇良女也父唐汴州戶曹掾李希烈逼竇願

其父曰慎無戚必能滅賊使大人取富貴於天
子後有寵秘結陳仙竒夫婦希烈死于毒竇出
蠟帛九仙竒斬希烈妻子七首

楊氏吳房令董昌齡姊也時元濟據蔡毋嘗密成
曰逆順成敗兒可圖之昌齡徒郾城毋復口逆
賊欺天神所不福當速降無以我累兒爲忠臣
吾死不慊會王師逼郾昌齡乃降憲宗拜郾城

趙氏趙瑛妻永樂六年瑛出商泃江澤死於
士遺腹于俊壽七十三事聞

劉氏王全妻年二十七而寡遺腹于端卒年八十
有六事聞

蘭氏毛忠妻末樂末忠卒于戍蘭抱三女紡績自
給成化間都御史李衍廩米月一石卒年百歲
有司上其事

趙氏胡冕妻侍郎毅孫女也天順間年二十三冕

於子禎六閱月孀操五十八年事聞詔表其
禎登弘治甲子科強左史贈以詩

余氏劉漢妻成化間年十九漢故子林甫周歲親
黨議奪其志余遂自雉經姑趙救始更苦節四
十一年詔表其閭王寵詩文徵明叙圖林登正
德癸酉科

趙氏張侗妻成安訓導遇女也年二十八而侗於

絕起泣而止剪髮自誓八十二歲卒李氏
妻其間子恭之郡學生

李氏三節婦適妻蔡氏年二十八而寡矢志靡他

課子尚德讀書篝燈相伴弱冠爲娶婦詹氏年

三十七尚德卒值弱冠亂大饑荒詹操井臼勤

績紡保其門祚無他虞子麒婦朱氏竭力侍養

言何麒病泣語朱曰天禍吾家二婦一孤孀不

汝矣朱年二十六子呈芳僅四齡族人屢以權

迎來迫朱號天悲痛剪髮誓死族人慘去呈
子御史本國上其事詔旌三節之門

太宜人張氏贈君桂蘭妻工部員外郎祥之母也
祥九閏月失恃母年二十七悲號水漿不入口
五晝夜親齋解嗔始啖粥祥病誓素食三十日
祝祥無恙及長教以學祥得成名事聞詔表其
閏壽九十三卒

織志勵勤儉當戶撫孤延師課子與汝中諸貴
眷接荆布自若澹然獨尚姻婭中多奉爲母儀
五十年如一日壽七十七卒督學使吳中明拜
其堂鄖撫臺陳膚謨表其事子三桂郡庠生

吳氏舉人羊一中妻也一中卒氏年二十七永操
苦節年六十七歲終直指崔邦亮扁曰一門雙

節

張氏廩生吾志學妻傅女應麒子婦也年

夫故子天福四歲天祿二歲卒年六十有一事
聞詔表其閭

藺氏生員周基妻翁姑繼逝氏時無出基卒藺悲
哀幾痛兄妹覘其志防之藺出敝襦投之火書
器給烟成歷二十餘日沐浴更衣整笄雉經夫
傍郡守史公率其屬哭柩前製烈婦吟令社學

童子歌之及賓太守皆聞郡守神婦子員表

張氏省祭季紹妻年二十四省祭見背子夢登四
歲夢儒三歲遺腹子夢蛟張七日不食誓非同
死姑抱兩兒苦勸始食三子俱邑弟子員壽七
十七事聞詔表其閭

李氏楊景先妻年二十二而寡卒年八十有二
王氏楊名妻子甫四歲王每夕焚香額天佑子以
存夫祀老猶不厭有司三上其事

田氏訓導李謙之妻謙蚤卒二子在抱田扶視歸
年六十八卒子俱庠生

宜人鄒氏千戶倪貴妻貴亡子誠甫三歲剪髮傷
目誓絕外逼居五十餘年子得襲爵

王氏尹瓚妻年十七適瓚子爲數月孀居五十餘
年

張氏秋華妻郎中逢慶從祖母桂貞婦之姑也華

疾夜將天代死年十九而寡無子別一目爲

吳夫人太守史公聞而延入親為文表之引見
學使楊公特置一匾於郡城扁曰孝節雙清月
給粟布終其身事聞待旌

淑人魏氏觀察楊位妻侍母疾食不下咽目不交
睫者經旬後先八日母女偕亡郡邑稱其孝

孺人鄧氏舉人熊選妻年二十八選亡子勉學甫
三歲後封太孺人壽八十二卒

石氏生員張元吉妻父吳誥子婦也年二十二元

吉故子庠生期遠方二歲卒二十三年卒

淑人范氏伍臣妻年二十二撫子汝忠副百戶史
公薦其節孝官遊擊將軍

孔氏劉綱妻先聖二十一代孫年二十七綱亡守
子廩生際美以壽終

嚴氏董科妻年十九守遺腹子生員自立歷七十
餘歲卒

二十八歲子君仁耕廩生

陳氏劉正陽妻年二十四正陽故撫子九成九思
年六十八卒邑令王萬祚扁曰貞一可風

樊氏生員趙明善妻年二十五明善亡哭七日而
死子大仁大儒俱庠生

劉氏生員張拱北妻父仲實國子生年二十一拱
北亡子廩生復泰七閱月守二十一年卒

劉氏王琮妻適琮四年而寡子幼壽踰八十卒

王氏任富妻偕側室李氏李生恩三齡兩孀孤
王年九十一李七十二卒孫宏道庠生

路氏生員白壁妻年二十四壁亡壽七十二學使
者旌其節

劉氏田貢側室貢年七十病危囑其子若任令劉
擇配他適劉聞夫言痛而幾絕夫歿遂沐浴自
縊于棺釘上桂太常作歌挽之孝廉張宿次著

二學使者旌其節

趙氏生員王汝錫側室年二十三汝錫亡子之繼
郡廩生甫三閱月壽八十卒

關氏劉啟陽妻啟陽卒氏年方二十撫幼男九耀
紡績自活儉勤訓子年七十卒邑令楊文昌給
扁獎之

景氏生員劉鎬妻鎬故氏年二十六歲事姑教于

歷艱不變事聞詔表其闕

韓氏生員溫允厲妻允厲早亡氏孀居流寇犯東
關迫志不從被害次晨其子往殮氏猶張目見
子始絕太守黃元功哭祭之

宋氏舉人孔心繼室心卒年二十五歲無出撫育
前室幼子冰操四十歲彭廷尉傳其事有司表
表其節

清庠生

郭氏李尚金妻尚金故氏年二十六撫長子克敬
入庠次子克忠能書卒年七十七邑令姚士恒
扁曰霜節維風

余氏生員趙孝祖繼室孝祖亡氏年二十四歲撫
育前子勤苦終身御史金光辰具題子得孚孫
重晉重魯重和俱庠生

馬氏經一魁妻魁亡氏年二十九歲苦節踰五十年御史劉令譽具題于國獻庠生

李氏生桂首攀妻首攀卒李氏年方二十一歲側室霍氏年十九歲矢志同守生遺腹子淳入國學兩庠以雙節舉於學臺給扁獎之

趙氏生員胡景寧妻夫故氏孀居撫二子長瑞次瑞登庠瑞尤稱名士奉詔表間有節孝錄

力奉其大十餘年...
可風

國朝

翁氏方大正妻適方僅六載大正故先是姜應試
寄三十金大正貯於別翁氏稱未亡人姜來索
號泣惶惶苦無措或有以姜行詐欺發孤又疑
氏當哀莫不出以償大正素慷慨信義自負是
夜遺妻於氏自其金所在氏即出而還之方氏

內無叔伯外稀親舊氏侍孀母撫幼子三世一
身值姑卧病薪米湯藥氏脫簪剪髮備之姑得
以愈姑沒竭辦殯葬哀毀盡禮紡績勤儉樂施
培德常以孝友德行訓子令常在心目氏卒年
七十一汝人咸稱不特貞母孝母實廉母云兩
庠舉其事督撫按監司給扁嘉獎子秉銓院承
秉衡庠生

顏氏生員博孕恒妻恒從父任高顯以孝奉時氏

年二十八歲事公如孝女子歷四十年所立
奏聞詔旌表其間子鶯群副使鶯群知府鶯群
鶯群俱廩食

王氏生員李從嘉妻知府王明福女也嘉故氏年
二十八事孀姑身任子職訓幼子毋教師道脫
簪葬姑勤紡賜操事聞兩臺給扁給穀子尚苑
庠生

趙氏貢生李之鳳妻姑郭病割股以療夫病燃指

廟代鄉國咸稱樞臺累有獎之

吳

孫權袁夫人汝陽人袁術女也有節行而無子權以諸姬子與養之輒不育及步夫人薨權欲立之夫人自以無子固辭不受

三國志

唐

老嫗蔡州人南中丞卓吳楚遊學十餘年衣布縷乘北齋游蔡州州牧憐之似厚而爲吏難阻

每宴集令召則云南秀才自以衣冠不整稱疾
不赴羈旅窮愁似無容足之地惟城南老嫗鬻
飯待之無厭色後十七年卓爲蔡州牧曰古人
一飯之恩必報睚眦之怨必酬遂戮仇吏而報
老嫗焉後轉黔南經畧使

大唐新語

李端妻某氏籍吳元濟軍元和中自拔歸烏重九
妻爲賊縛而齧食之將死猶號端曰善事烏僕

射觀者歎泣重九請以其事屬史官詔可

明
余氏李莊靖嗣室也生子豫潢皆繼莊靖公歿遺
孫根茂年十二根盤年九歲李氏族微並無伯
叔兄弟時流寇猖獗將及汝寧余氏歎曰莊靖
公爲國元臣而後人孤弱如此李氏其斬矣遂
將長孫根茂託於岳翁孔門奇避亂湖廣次孫
託於姪孫余金未半載而城陷遂被害

陳氏生員劉一俊妻也二十而夫亡事舅姑以孝

聞舅某病篤氏夜禱天地燃一指願長齋終身以請舅命時舅臥床照神語曰爾兒婦爲爾虔禱行將愈矣病遂痊崇禎十七年汝城陷氏投井而死

桂氏丙子舉人劉元琛妻也元琛登賢書纔年餘病故氏隨舅姑赴任始鄉明崇禎戊寅柏鄉城陷僕婦勸氏逃走氏曰此去家鄉千有餘里又盜賊處處猖獗能免汗辱乎去將安之况吾爲

不回若此耶其勝

聖天子褒嘉也宜哉

天英識

孔氏傳驚祥側室也驚祥殺氏年二十二梳髮自
誓遂長齋不茹鹽豢太夫人賴氏三十餘年無
少懈太夫人每向親族以孝婦稱之年七十有
子世廷娶桂氏廟見後世廷病不起氏年才六
卅獨處一室非父母兄弟罕見其面閱今三十
五年襦布荆釵從無喜容太夫人賴氏尤苦節

舊志有傳

張氏廉生李百史妻也于歸數年後百史病故子
超宗方在襁褓氏以死自誓翁姑勸解之曰爾
之節烈固可嘉其如此遇歲之兒何氏慨然曰
成吾一已之志使李氏乏嗣非孝也乃撫養遺
孤歷十一年起宗入學食餼未幾超宗病故又
無子氏窮困衰老寄食於昆弟之家郡人每惜

其苦節皆爲太息不已云

潘氏馬永福妻庠生潘維聖女也年十八山陰

二年而永福病故子升秀方一歲氏誓以必死
翁姑皆近七旬歎曰爾死則此子亦死馬氏其
斷矣勉撫此孤使馬氏不絕嗣節孝不兩全乎
氏乃忍死撫孤時明末兵寇饑荒歲無寧日氏
從母弟避亂江南以紡績自給 國初還里翁
姑皆八十餘卒衣衾棺飾成禮而葬今氏年七
十三子升秀亦盡孝躬耕以養母孫四人皆業

儒曾孫八人知縣邱天英中詳上臺行將疏

表以顯

之顯感其義爲復讐以頭醜其墓及陳蕃李膺
敗顯以同調爲宦官所陷乃變姓名曰匿汝南
間所至皆親其豪傑有聲荆豫之域當銅解顯
辟司空府每三府會議莫不推顯之長董卓辭
爲長史辭疾與司空荀爽司徒王允共謀誅卓
魏主 粲字仲宣高平人善屬文祖父龔汝南太守
粲少有異才獻帝時徙長安蔡邕倒屣出迎歎
其弗如西京亂寓居汝南依編表尋仕魏軍諮

祭酒拜侍中封臨內侯

吳明徹字通昭秦郡人

少善屬文去正學天文孤

遂道其畧通其妙

能書善射

漢高都人王褒

孤獨旅窘悴時

入莫謫家獨家乞濟

更待以禮補成其意及

肅臨豫州興

太守

唐蕭穎士字茂挺梁宗人四

歲屬文十歲補太學生

書一覽即通有州元間進士對策第一時名

之東岸櫻桃非常遊屐所書蜀道碑法絕一
人爭購之卒葬莊後立石以誌

方技

漢蔡

父翟方進從汝南蔡父相問已能所宜蔡父
大奇其形貌曰小吏有封侯骨當以經術進努
力爲諸生學問方進聞言喜游學長安舉高第
拜丞相封高陵侯

許

曼平與人相帝時隴西太守馮緄開綬笥兩
赤蛇分南北走令曼筮卦曼曰三年後君當爲
邊將東北行三千里更爲大將軍南征延禧元

年緄遼東太守討鮮卑至五年復拜車騎將軍
擊武陵蠻祖父陵遇道士嬰巨君長方術著易
林曼即傳其學

魏徐 審字成伯丹陽人魏孝文幸懸瓠疾召審水
路日夜行數百里診者有大驗九月駕次汝墳
設珍膳集百官坐審上席陳餚觴命左右宣審
救攝振濟之功

精董

展字伯仁汝南人以才藝稱鄉里

至光祿大夫殿內將軍尤長於書畫
不愧前賢與展子虔齊名曾作道德經
時所稱

劉彥文實字德充世稱春田先生廉太守馬公有
驗紫轂柴車塞門巷時執友紉步西郊開塞人
泣問之曰主染疫垂絕文實診謂不死一劑可
愈文實郡弟子員數闕不中讀先世書深諳妙
應如此四世祖景敷景敷與同郡石昊並稱國

手名動公卿間文實著十八剡加減春田一
孫煥諸生世其術名重一時

潮汝隱者人呼秦三老幼侍父病曾嘗羹
號祈身代歿廬墓側兄漢負官錢三十緡潮
已田償之無恡色年三十二鰥不娶躡衡岳
廬之巔徃返終南太華者數載遇異人以成
道甲星歷靡弗精詣姑藉景純術顯汝上屢

隨手畫時動子弟望屋橫行里人不得
至秦氏舍輒目眩胸怔足縮縮退幾及縛自井
中投蓋桃菊詛說潮陰以奪其魄也太師李本
寧詩長謝一邱遊五岳手揮王塵拂蒼烟卒年

九十六

日升遷次子也郡諸生精堯夫皇極家言洞晰
掌握中爲李一僞占得一珠落帽之象斷云當
有一人居首僞果第二他如占太守劉復初領

解方伯趙壽祖聯捷率多不美
人每奇恒谷
先生之數神卒年七十七

龔龍甲字蜚元汝陽諸生攻舉子業精軒黃方術
治奇疾多效里中病者獲愈多不取值遠近士
大夫甚慕重之顏其居曰松蘿齋舍

漢

許峻字季山平輿人善卜筮之術多有顯驗時人方之前世京房自云少嘗篤病三年不愈乃謂泰山請命行遇道士張巨君授以方術所著易林至今行於世

東漢書

宋

楊太均蔡州人善醫能默誦素問本草及兩部千

金方四書一字不遺與人治病疹脉不出藥但
云此病若何當服何藥在其部第幾卷卽取授
之分兩不差葉夢得在蔡州親見其事當問素
問有記性者或能誦本草則尤難矣至於千金
方但藥名與分兩劑料此有何義而能記乎大
均言古之處方皆因病用藥精微深妙苟通其
義其文理有甚於章句何可忘也大均本漢末

子事父孝醫不受謝積其齋施之餘葬內外氣

金根上經神丹錄錄皓入赤城山白鶴飛雲搏
空游虛人莫得見魏太和間登真

桓 景汝南人長房弟子謂曰九月九日汝家有
災急作絳囊盛茱萸繫臂登高飲菊酒禍庶可
免景如其言夕返見牛羊鷄犬皆死

董 仲永子也母天女生而靈異數篆符驅邪嘗
游京山滄泉鎮蛇毒篆石尚在京山之陰後仙

去

葛 元字孝先葛天氏裔也汝南人年十六入天
台山愛左元放九丹金液僊經行持三籙七齋
祭煉大法療病効驗年八十一靈旌絳節雲鶴
繚繞坐現輿冉冉而上帝號僊公崇寧三年封
真人淳祐六年封冲應孚佑真君

晉許 遜字敬之中岳僊官肅之子也汝南人毋夢

昌道通山晉太康初爲蜀楚陽令黜碑成金
得輸負租符呪治疫活數千萬人棄官脩煉斬
蛟馘蛇剪妖驅祟以千百計命二龍挾舟過廬
山頂上後說責王敦敦害璞遜化白鴿飛去年
一百三十六歲時傳羽蓋龍車僊樂從空而下
偕弟子家口四十二人並鷄犬悉飛去政和二
年封神功妙濟真君

應夷節字適中汝南人母夢流星而孕誕生不茹

輦七歲過老莊周易年十三讀史始進士進天
台龍虎山師馮惟正得六經義法授真定府院
日誦黃庭大洞經爲人致禱數獲靈應一日
沐浴入靜凝神翌日解任

明張一中汝陽人永樂初異人授秘術誅茅密藤與
高世士金子齡侍郎趙孟宏號方外友孟宏贈
詩云白雲只隔尋常景玉樹誰同自在春寄與

城有張處士一中遊化要平分宣德中年八十

六與妻訣曰愧無功德此書卷徒益子孫
情焚之而卒逾二十日就殮神色如生

楊布袋不知姓名汝人稱爲僊師丰格縛約顛屣

子蓬頭跣足冬夏掛一衲若布袋然嘉靖戊戌

坐平輿市爲人療病第手撫寡患處扯衲敗絮

令焚吞之病即愈浮遊虛空頃刻數百里懷慶

府有悒爲崇王廷爲驅遂設醴款謝袖出珍異

果瓜佐王飲王喜命長子師之亭午晏坐遍體

現小紅蟲芳香盈室居數月西去太 and 山

金教秀扶溝人七歲辭家草衣木食皇統間逢然指
上士乃馮公菩薩也密示心印頓悟正法眼藏
金天德中居汝普照寺開示演化接物利生慈
濟無量明昌癸丑歸寂塔今存

元洪惠羅山淨瓶山僧也淮南北朔十餘橋名播縉
紳間至正六年郡丞哈兒八台建橋漆濟惠募

金錢解布若干得喻林詩制吳倫贊其高行

明圓宗號大川切絕葷酒蚤投法門一杖一鉢外無
長物天順間太守姚公請建吉祥寺鄉人高其
戒行

行源上蔡人早歲披剃後持戒律宣德甲寅太守
湯公雲薦謁選都綱開元寺頗知言詩慕遠公
文暢之爲人接士大夫甚肅河南宋大叅琰劉
僉憲咸爲題其像有詩集若干卷

圓戒伏牛山首座閱藏清戒寺十年崇莊王頂禮

法苑珠林卷之九
甚慧定慧雙寂圓光無色坐化造樣集

因墮湖闍上人素有戒行年九十三聞空中音樂
散花而逝

百畝自耕種凡春秋田止種一色例必倍收卽
凶年亦然募里中貧乏輩傭寄其家約日與費
以充傭值鄉人服其義莫之欺也或疑其有道
術哀求之乃遷避遁逃或旬月或經歲不可見
咸疑化去大中祥符初太府少卿蔡汝興郡下
車之日命牙校邀之言前守睢州時遇青城隱
者托以達信宏爲牙校所迫不得已偕至郡齋
每行必杖策先其牙卒鞭馬逐之不能及相去

常百步許蔡公咨以化民之道修身之術對曰
六籍載之備矣外復何求乘間訪以黃白事笑
而不答數日求去蔡公厚遺之悉無所受既歸
語其鄉黨曰吾將遠遊亦未敢期回日幸各自
努力一日攜其妻潛去莫知所往

西齋語

汝陽縣志卷之九

雜記

補

邱天英

漢

胡伊汝南人爲司空虞放舉屬放遜位自劾還家
郡以伊爲主簿迎新太守伊曰我是宰士何可
委質二朝乎因出門名戶占繫陳國紹曰柳下
惠不去父母之邦君子不辭下位獨行服事後
公黃瓊大以爲恨移書汝南論正主者更絕紹

文書而更碑伊 應動風帶通

陳蕃徵時宿黃巾家值婦產夜三更有扣門者許
久門內應曰門裏有貴人不可前宜從後門入
俄聞往者還門內曰是何兒應曰男也名阿奴
年當十五爲人作屋落地死蕃默志之後十五
年蕃爲豫章太守遣吏往問昔兒阿奴所在家
云助東家作屋墮棟死矣蕃果大貴

子奇搜
神記

陳茂汝陽人爲荊州刺史時南陽太守羅桓本名

清能茂不入宛城引車到城東爲友人衛修母
拜恂先是茂客仕蒼梧還到修家見修母婦說
修坐事繫獄當死因詣府門移辭乞恩隨輩露
首入坊中容止嚴恪鬚眉甚偉太守大驚不覺
自起立賜巾延請甚嘉敬之卽爲出修南陽士
大夫謂恂能解救修茂彈繩不撓修竟極罪恂
亦以他事去南陽疾惡殺修爲之語曰衛修有
事陳茂治之衛修無事陳茂殺之應劭風俗通

薛恭祖汝南人山陽太守喪其妻不哭臨殯於棺

上大言曰自同恩好四十餘年服食祿賜男女

成人幸不爲天夫復何恨

應劭風俗通

李叔堅汝南人少時爲從事在家狗人立行家言

當殺之叔堅云犬馬喻君子狗見人行效之何

傷叔堅見縣令還解冠榻上狗戴突走家犬驚

叔堅云誤觸冠冠纓掛著之耳狗又於竈前嘗

火家益恠忪叔堅云見輩皆在田間狗助蓄火

可不煩隣里此有何惡後數日狗自暴死卒無
織芥之異叔堅辟太尉掾終享大位子修蜀郡
都尉應劭風俗通

陳伯敬汝南人行必矩步坐必端膝呵叱狗馬終
不言死目有所見不食其肉行路聞凶便解駕
留止還觸歸忌則寄宿鄉亭年老寢滯不過舉
孝廉後坐壻亡吏太守邵夔怒而殺之時人罔
禁忌者多談爲證焉東漢書

應郴汝南人爲汲令以夏至主簿杜宣詣見賜酒
時北壁上有懸赤弩照於杯形如蛇宣畏惡之
然不敢不飲其日便胃腹痛切妨損飲食攻治
萬端不愈後郴因事過宣家問其故云飲酒蛇
入腹中郴還廳事思維良久顧見懸弩必是也
使門下吏招宣故處設酒杯中復有蛇因謂宣
此壁上弩影耳宣遂解由是瘳平

應劭風俗通

應順妻同郡鄧元嬰妻也元義父伯考爲尚書僕

射元義還鄉里妻留事姑甚謹姑憎之幽閉空
室節其飲食羸露日困妻終無怨言後伯考怪
而問之時元義子朗數歲言母不病但苦饑耳
伯考流涕曰何意親姑反爲此禍因遣歸家更
嫁爲順妻順爲將作大匠妻乘朝車出元義於
路傍觀謂人曰此我故婦非有他過太夫人遇
之過酷耳生數子皆有才學累世通顯

東漢書

漢平輿縣令薛君碑文字完好其文曰惟延熹六

年春二月平輿令薛君李鴻呼哀哉吏民其咨
咨君之德乃建碑於墓石之側其後有銘三百
餘言敘述其詳惟不載其名字世系故莫得而
考焉

金石錄

許光字少張平輿人漢靈帝中平二年繼許相讓
俠乃過江居丹陽句容都鄉之首陽里後仕吳
爲光祿勳

陶宏景集

李泌父承休唐吳房令休娶汝南周氏初周氏尚
幼有異僧僧伽從泗上來見而奇之且曰此女
後當歸李氏而生三子其最小者慎勿以紫衣
衣之當起家金紫爲帝王師及周氏旣娠凡三
年方寢而生泌先是周氏每產必累日困憊惟
晚泌獨無恙由是小字爲順 鄴侯外傳

吳少誠貧賤時爲官健卒逃去至上蔡凍餒丐食
於路值獵師得鹿方欲聚食忽聞空中有言曰

待吳尚書衆人驚駭少選一人攜小襪過獵者
揖而問之姓吳食畢獵人賀曰公卽富貴幸記
某等姓名具述其事少誠曰某軍健卒苟免擒
獲足矣安有富貴之事後爲節度兼工部尚書
使人求獵者厚以錢帛酬之

定命錄

裴度微時羈寓洛中嘗乘蹇驢入城方上天津橋
有二老人倚橋柱而立語曰蔡州用兵日久未
知何時平定忽覩度驚愕而退度有僕攜書囊

後行聞老人曰須此人作相蔡州始平僕述其
語度曰見我龍鍾故相戲耳後果平淮西度每
向人道其事 定命錄

李祐爲淮西將元和十二年送款歸國及元濟破
祐婦姜氏懷妊五月矣爲亂卒所劫以刀割其
腹姜氣絕踣地祐見之腹開尺餘因脫衣襦裹
之婦一夕復蘇傅以神藥而平滿十月而生一
子朝廷以祐歸國功授一子官曰行修後爲海

南節度使

李元獨異志

元和十三年詔丞相裴度伐淮西公既至命人濬
城壕得一石銘曰井底一竿竹竹色深濑濑鷄
未肥酒未熟障車兒郎且須縮人莫解其義有
一卒自行間躍而賀曰吳元濟且死矣公訊之
卒曰井底二語言吳少誠由行間一卒擁千萬
兵爲方帥喻其榮也鷄未肥言無肉也夫文以
肥去肉爲已也酒未熟言無水也以酒去水爲

也障車與耶謂其章之事也且須翰爾宜退
守其所也公歎而異之冬十月李愬入蔡州料
元濟校其日果已西歸

釋史

石烈士名忠孝韓魏間人也爲人猛悍多力州里
患之後折節事李愬爲前驅信任與家人伍元
和中天子用裴丞相討虜李愬李光顏烏重九
皆受節制明年建平命吏部侍郎韓愈撰平淮
西碑碑中歸功丞相而愬與光顏重九等忠孝

熟視其文大恚怒因作力推倒其碑吏不能止
乃執諸節度使節度使以聞上甚怒之命晏獫
狁盡於碑下忠孝度必死苟虛死則無以明愬
勳乃偽恚畏若不勝按伺吏陳用柳尾拉一吏
擊之天子聞而震怒遂遣闕下親訊之曰汝捕
吾碑殺吾吏爲何忠孝頓首曰臣一死求是以
塞責但得而天顏雖赤族無恨矣臣事孝愬久
雖故給事無不聞見卒蔡之日臣在軍前如

吳秀琳蔡之如賊也而愬降之李祐蔡之驍將也而愬擒之蔡之爪牙脫落於是吳及元齊受縛雖丞相與諸將不能先知也蔡平刻石紀功盡歸丞相而愬名與諸將皆愬固無所言矣脫

不幸更有一淮西而將異如愬者肯爲陛下用乎臣所以推去碑者不惟明愬之功亦將爲陛下正賞罰之灑不推碑無以戮吏擒不殺吏無以見陛下言已矣請就刑憲宗既得淮蔡之

事又多其義遂赦之召翰林學士段文昌更撰

平淮西碑文

雜詔諫集

唐文宗御宴宮妓舞何滿子是沈翹翹其詞云浮
雲蔽白日文宗曰汝知書耶此是文選第一首

乃賜金玉環遂問其由翹翹泣曰妾吳元濟女
因國亡沒入掖庭易姓沈因配樂籍本藝方響
乃白玉也以響玉爲槌紫檀爲架制度精妙乃
奏涼州曲音韻清絕上謂曰汝欲歸寧欲適人

翹翹不對上知其意乃選金吾判官秦誠
出宮之夕花燭之盛皆自天恩數年後秦誠
日本久而不歸翹翹執玉方響登樓自爲一曲

名憶秦郎聲極悽愴

王圻碑史

義興縣有東漢太尉許馥廟廟碑卽許邵文歲久
字多磨滅至開元中許氏諸孫重刻之碑有八
字云談馬礪畢王田數七人不能曉徐鉉父延
休一見卽解之曰談馬言午言午許也礪畢石

甲石甲碑也王田乃千里千里重也數七是六

一六一立也 吳處厚青箱雜記

宋

孫何帥錢塘柳耆卿作望江潮詞贈之云東南形

勝三吳都會錢塘自古繁華煙柳畫橋風簾翠

幙參差十萬人家雲樹遶堤沙怒濤捲霜雪天

塹無涯市列珠璣戶盈羅綺競豪奢重湖疊嶂

青生有三秋桂子十里荷花羌管弄晴菱歌泛

夜嬉嬉釣叟蓮娃千騎擁高牙乘醉聽箏鼓吟

賞煙管異日國將好景歸去鳳池誇

羅大經鶴林玉露

孫何孫僅學行文詞頗動場屋何旣爲狀元王黃

州竈僅文編書其後曰明年再就堯階試應被

人呼小狀元後榜僅舉爲第一黃州復以詩寄

之云病中何幸忽開顏記得詩稱小狀元粉壁

乍懸龍虎榜鉤欄終屬鶴鴒原并寄何詩曰惟

愛君家被薦勝登科記上並龍頭潘道遙亦有

詩曰歸來還續登科記未見年年放弟兄實爲

士林盛事

水滸語

吳正肅公曾守蔡州嘗卽州宅爲容齋自序其意
以爲上爲天子所容中爲士大夫所容下爲吏

民所容又謂知足而心虛曠然後能容達生以
爲寓則無往而不容且作詩著之夢得爲蔡守
時已不復存物色其處西北隅僅有庭四楹深
不滿二丈予可及猶意以爲是乃修葺之不敢

加其舊以見公之志遣人洛中求公集得所作
詩因刻之壁間高賢遺跡世不多有公之明德
風節相去未百年而來者會不經意况求其所

用心哉

葉夢得避暑錄話

